



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annales Heremi Dei Parae Matris Monasterii In Helvetia Ordinis S. Benedicti

Hartmann, Christoph

Friburgi Brisgouiae, 1612

Petrus I. Ex Baronibus A Schwande Abbas Heremi Decimus Et Nonus
Princeps Imperii Secundus.

urn:nbn:de:hbz:466:1-38545



PETRVS I. EX BA-
RONIBVS A SCHVAN-

DE ABBAS HEREMI DECI-
MVS ET NONVS PRINCEPS
IMPERII SECVNDVS.

AVDOLFO Cæsare in superiore Germania oc-
cupato, maximè in conciliandis Ciuitatum, &
Vrbium ciuibus, & magistratibus cum ordine
Ecclesiastico, inter quos ab temporibus Frideri-
ci II. grauis discordia inceserat, nec dum conquierat, nun-
cius de Othagari Bohemi rebellionem allatus grauiter accidit.
Igitur maximum exercitum ex Sueuia, Harcinia, Elsatia, Bri-
fiacis, Sequanis, Argouia, & Turgouia, totaque pene Helue-
tia, Tigurinis, & Bernensibus exceptis, confecit, & subito in

Austriam

*A. D. X.**CID. CC.
LXXVIII.*

Austriam rapuit, invocatoque Christi nomine, quem Othagarus haut magni faciebat, quos secum habebat barbari etiam irridebant, campo Nidesburgi cum hoste concurrat, ingentique praelio victum interfecit v. i. kalend. Septembris, feria v. i. anni septuagesimi octavi. Eodem praelio non modo Austriam secundo recepit, sed Bohemiam quoque, & quicquid Othagari fuerat in potestatem redegit, quam tamen Rudolfus optimus regum Venceslao Othagari filio restituit, & simul in amicitiam, & pacem Guttham filiam matrimonio despondit. Ipsum quia admodum adolescens erat, Othoni marchioni Brandenburgensi interim educandum commendavit, qui ijs virtutibus imbuit, ut post mortem Diuorum numerum auxisse certa apud Bohemos maneat fama, & eiusdem cultus memoria. Asturiam, & Styriam, & ceteras prouincias filio Alberto regendas interim dedit. Anno sequenti terrae motus Heluetiam praecipue, & Sueuiam grauius concussit, multa aedificia deiecit, maxima damna fecit. Anno octogesimo, cum forte abbas Petrus festo die D.

*A. D. X.**CID. CC.
LXXIX.**A. D. X.**CID. CC.
LXXX.*

Osualdi opidi patroni Tugium ad illam, quae quot annis fieri solet, magna accolarum frequentia, supplicationem, religionis causa venisset, eaque peracta in DEIPARAE Matris antiqui opidi sacello cum multis alijs pietati intenderet, inter saeuissima tonitrua de caelo tacta aedes sulfure, fumo, & vapore non solum ipsum, sed plures alios exanimavit, Nonis Augusti. Singulari virtute fuit. Custodis munus antea cum laude exercuerat, principatus experimentum vitae breuitas non indulsit, magna spe, & desiderio sui extinctus est. Erat Rudolphi Baronis a Schuande filius, Anselmi quondam abbatis nepos. Habebat tum fratrem Heinricum Schuandae Baronem militiae cingulo insignem. Postquam de eius morte compertum fuit, legere fratres successorem Heinricum ex Baronibus a Guttinge. Praesedit annos x v. iiii. menses v. i. Paucis post diebus, Idibus scilicet eiusdem mensis, excessit quoque pontifex Nicolaus.

HEIN.